

四庫全書

子部

欽定四庫全書

子部

全芳備祖前集卷

八至十

詳校官中書_臣竇汝翼

主事_臣祁韻士覆勘

總校官庶吉士_臣朱 鈐

校對官助教_臣卜維吉

謄錄監生_臣陸潮愈

欽定四庫全書

全芳備祖前集卷八

宋 陳景沂 撰

花部

桃花 附桃木

事實祖

碎錄

桃之天天灼灼其華 華如桃李 園有桃 詩俱毛 仲春

之月桃始華 記月令

紀要

漢武帝上林苑有緇桃紫文桃金城桃霜桃

西京雜記

漢明

帝常山獻巨桃核其桃霜下花至暑方熟使植園林

西京

雜記李將軍恂恂如鄙人口不能出詞及死之日天下知

與不知皆為涕泣彼其中心誠信于士大夫也詩曰桃

李不言下自成蹊此言雖小可以喻大

李廣傳

潘岳為河

陽令栽桃李號河陽滿縣花

北齊盧士琛妻崔氏有

文學春日以桃花和雪與兒洗面云取白雪與兒洗面

作光悅取紅花與兒洗面作妍華 明皇時禁苑中有

千葉桃盛開帝與貴妃日夕宴花下帝曰不獨萱草忘

憂此花亦能銷恨

開元遺事

清明日崔護獨游都城南得居

人莊叩門求飲有女子開門以盂水飲及來歲清明護

往則門已扃鎖題曰去年今日此門中人面桃花相映

紅人面不知何處去桃花依舊笑春風后日復往聞哭

聲一老父曰子非崔護耶吾女比見桃花詩句絕食而

卒崔亦感慟大呼曰某在此女遂復生

麗情集

石曼卿通

判海州以山路高岐人路不通畧無花卉點綴照映使人以泥裏桃仁拋擲於山嶺上一二歲間花發滿山爛

如錦繡

談園

雜著

晉太元中武陵人捕漁為業緣溪行忘路之遠近忽逢桃花林夾岸數百步中無雜樹芳草鮮美落英繽紛漁人甚異之復前行欲窮其林林盡水源便得一山山有小口髣髴若有光便捨舟從口入初極狹纔通人復行數

十步豁然開敞土地平曠屋舍儼然有良田美池桑
竹之屬阡陌交通雞犬相聞其中往來種作男女衣
著悉如外人黃髮垂髫並怡然自樂見漁人乃大驚
問所從來具答云便要還家為設酒殺雞作食村中聞
有此人咸來問訊自云先世避秦時亂率妻子邑人來此
絕境不復出焉遂與外人間隔問今是何世乃不知有
漢何論魏晉此人一一為其言所聞皆歎惋餘人各復
延至其家皆出酒食停數日辭去此中人語云不足為

外人道也既出得其船便取向路處處誌之及郡下詣太守說如此太守即遣人隨其往尋向所誌遂迷不復得路南陽劉子驥高尚士也聞之欣然欲往未果尋病終後無問津者

元亮桃源記

劉禹錫元和十四年自潮州召

至京師贈諸君子看花詩云紫陌紅塵拂面來無人
不道看花回玄都觀裏桃千樹盡是劉郎去後栽後再
游玄都觀絕句并序云余正元二十一年為屯田員外來
時此觀猶未有花是歲出牧連州貶潮州司馬居十有

一年召至京師人皆言有道士手植仙桃滿觀如紅霞
遂有前篇以誌一時之事旋又出牧今十有四年復
為主客郎中重游玄都蕩然無復一株惟兔葵燕麥
動搖春風耳因再題二十八字以俟後游時太和二年
五月也詩曰百畝庭中半是苔桃花淨盡菜花開種桃
道士歸何處前度劉郎今又來文集王得臣云禹錫入為
主客郎中復作玄都觀詩且言始謫十年玄都道士植
桃甚盛若霞又十四年過之無復一存惟兔葵燕麥動

搖春風耳以詆貴近聞者每薄其行

史

惟園有桃惟山

有叢丹葩擎露紫葉繞風引霧如電映烟成虹伊春之

秀乃華之宗

江淹山桃頌

余嘗慕宋廣平之為相負姿勁質

剛態毅狀疑其鐵腸與石心不解吐婉媚辭然觀其文

而有梅花賦清便富艷得南朝徐庾體殊不類其為人

也後蘇相公味道稱之廣平之名遂振嗚呼夫廣平之

才不為是賦則蘇公果暇知其人哉然廣平困於窮阨

於躋強為是賦也耶日休於文尚矣狀花卉體風物非

有所諷輒抑而不發因感發廣平之所作復為桃花賦
其詞曰伊祈氏之作春也有艷外之艷華中之華衆木
不得融為桃花厥花伊何其美實多常隸衆芳緣飾陽
和開破嫩萼壓低柔柯其色則不淡不深素練輕
茜玉顏半酡若夫美景妍時春含曉滋密如不韎繁若
無枝妍妍婉婉天天怡怡或俯者若想或閑者如癡或
向者如步或倚者如疲或溫馨而不可熏或嫵媚而莫
容持或幽柔而旁午或捨冶而倒披或翹笑如望或凝

然若思或奕傑以作態或窈窕以騁姿日將明兮似喜
天將慘兮若悲近榆錢兮粧翠靨映楊柳兮顰愁眉輕
狂施裳動則裊香宛若鄭袖初見吳王夜景皎潔闐然
秀發又若嫦娥欲奔明月蝶散蜂寂當閨脈脈又若妲
己未聞裂帛或開故楚艷艷春曙又若息媯含情不語
或臨金塘或交綺井又若西子浣紗見影玉露厭浥妖
紅墜濕又若驪姬將諧而泣或在水濱或臨江浦又若
神女見鄭交甫或臨廣庭或當高會又若韓娥將歌歛

態微動輕風婆娑暖紅又若飛燕舞於掌中半霑斜吹
或動或止又若文姬將賦而思丰茸旖旎亘交連倚又
若麗華侍燕初醉狂風猛雨一陣紅去又若褒姒初隨
戎虜滿地春色階前砌側又若戚姬死于鞠域花品之
中此花最異以衆為繁以多見鄙自是物情非關春意
若氏族之斥素流品秩之卑寒士他目則目他耳則耳
或以昵而稱珍或以疎而見責或有實而花乖或有花
而實悴其花可以暢君之心目其實可以充君之口腹

匪乎茲花他則碌碌我欲修花品以此花為第一懼俗情之橫議我曰不然為之則已我目吾目我耳吾耳妍媸決乎口取舍斷于志豈于草木之獨然信為國兮如

此

皮日休桃
花賦并序

桃木

碎錄

玉衡星散為桃

春秋運
斗樞

挿桃于戶連灰其下童子入不

畏而鬼畏之是鬼知不如童子也

莊
子桃菊以除不祥菊

苔也今人以桃枝灑地以辟惡

侯鯖錄

刻桃李為符

明堂桃

者五木之精也厭伏邪氣桃之精生在鬼門以制百鬼

故今作桃枝人以著門以厭邪此仙木也

典術

孤桃枝之

券令雞夜鳴

注

取孤桃南北行枝長三尺折以為券塗

以三歲雄雞血夜安栖下則鳴

淮南單方術

紀要

黃帝書稱上古之時有兄弟二人茶與鬱律度朔山上桃樹下簡百鬼妄禍人則縛以韋索執以食虎於是縣

官以臘除夕飾桃人垂葦索畫虎於門效前事也

風俗通

老子西游省太真王母共食碧桃紫李

尹喜內傳

孟嘗君將

入秦蘇秦往見孟嘗君曰人事者吾已知之所未聞者獨鬼事耳秦曰臣之來固且以鬼事見君矣臣來過淄水上有土偶人焉與桃梗相與語桃梗謂土偶人曰子西岸之土也埏子以為人至歲八月降雨下淄水至則子殘矣土偶曰不然吾西岸之土殘則復西岸耳子東園之桃梗也刻削子以為人降雨下淄水至流子而去

則子溧溧然將何如今秦無厭之國譬如虎口而君入
之則臣不知君所如矣孟嘗君乃止

戰國策

賦咏祖

五言散句

山桃發紅萼

謝靈運

花蹊傳樹綠

唐太宗

紅入桃花嫩

杜甫

艷陽桃李節

三月桃花浪

桃陰想舊蹊

栽桃爛漫紅

五桃新作花

王維

火繞緋桃塢

杜牧

嶺桃紅錦艷

桃枝綴紅捲

韓文公

桃源識故蹊

劉長卿

桃源迷舊路

桃花色欲醉

桃花御溝裏

初桃麗新彩照地吐其芳

梁簡文帝

向日分千笑迎風共一香

唐太宗

數水小橋紅涓涓照露叢

溫飛卿

花在新樓空年年依舊紅

許渾

偶蒙春風榮生此艷陽質

李白

桃生樹婆娑枝葉四向多

張籍

小桃知客意春盡始開花

杜甫

曾與千歲人安得千歲實

俞聖俞

種桃西庭下有意延東風

浮花出晚水苦節凌霜枝

張芸叟

爭開不待葉密綴欲無條

東坡

七言散句

短短桃花臨水岸

杜甫

輕薄桃花逐水流

夾岸桃花錦浪生

李白

桃花亂落如紅雨

李賀

剪綃裁錦一重重

樂天

華陽觀裏仙桃發

桃花百媚如欲語

溫飛卿

桃花點地紅斑斑

高適

竹外桃花三兩枝

東坡

桃花氣煖眼如醉

桃花不逐溪流水
晉客無因入洞來

杜牧

河陽縣裏雖無數
濯錦江邊未滿園

杜甫

江上人家桃樹枝
春寒細雨出疎籬

忠州且作三年計
種杏栽桃擬待花

白樂天

日暮殘紅空滿地
無人解惜為誰開

還向萬莖深竹裏
一枝斜卧碧流中

元稹

僧虔蜜炬高三尺莫惜連宵照露叢

溫庭筠

重門深鎖無尋處惟有碧桃千樹花

元郎士

桃花盡日隨流水洞在清溪何處邊

張顥

妃子紅酣對此君風流如在武陵春

白氏集

母家井上瑤池品先得春風一面粧

石曼卿

綵萼紅葩晚態新風流如陣戰愁人

种明逸

雪裏花開人未知摘來相顧共驚疑

歐陽公

草上紅多枝上稀芳條紅萼憶來時

年年二月賣花天惟有山桃偏占先

梅聖俞

十月江南號小春新陽已放一枝新

張芸叟

雙桃載罷還惆悵憶昨淮陽舊種花

張文潛

劉郎想到長安日葵麥風前一嘆嗟

人間日月知多少坐見桃花爛漫時

劉原父

可笑天桃奈風雪山家牆外見踈紅

蔡君謨

樹正含芳酒正醅熙熙為爾醉春臺

陶弼

三月宮桃滿上林一花千萬費春心

自是粉園人未識莫因花晚笑春風

王岐公

莫向東風恨開晚鳳城猶有未歸人

春風過柳綠如線晴日蒸桃出小紅

王介甫

漁郎更覓桃源路恰是人間別有天

朱文公

小桃洗面添光澤未點胭脂已自紅

竹隱

世間是色皆為妄只合去桃單種松

趙竹所

小桃自與春風惡花不隨人獨下樓

芳廷子

桃源自有長生路却是秦皇不得知

元次山

五言古詩

吳地桑葉綠吳蠶已二眠我家寄東魯誰種龜陰田春
事已不及江行復茫然南風吹歸心飛墮酒樓前樓東
一樹桃枝葉拂青烟此樹我所種別來向三年桃今與
樓齊我行尚未旋嬌女字平陽折花倚桃邊折花不見
我淚下如流泉小兒名伯禽與姊亦齊肩雙行桃樹下
撫背復誰憐念此失次序肝腸日憂煎裂素寫遠意因

之汶陽川

李白寄
二子

五言古詩散聯

桃花開東園含笑誇白日偶蒙春風榮生此艷陽質

李白

食桃種其核一年核生芽二年長枝葉三年桃有花

樂天

行逢二三月九州花相映川原曉服鮮桃李晨粧靚

已謝西王苑復揖綾山枝聊逢賞者愛栖址傍蓮池

仕昉

去鄉丹在臉還鄉雪垂領溪山尚能憶兒童謾不省

桃花女昭君服飾靚以豐徘徊顧香影似為悅已容數

枝有餘妍窈窕禁省中

韓子蒼

五言絕句

未忝不陽艷競栽桃李春翻令力耕者半作賣花人

鄭谷

殘月迷春曉桃花怯夜寒何人未粧洗先傍玉闌干

崔德

符

五言八句

初桃麗新彩照地吐其芳枝間留紫蕤葉底發輕香飛

花入露井交榦拂華堂若映窓前柳端疑紅粉粧

簡文帝

江銜洞庭急君山屹半川別知江有國大率水多仙環

繞八百里洪濛十萬年晚春桃正碧南客曉浮船

陳肥遊

五言律詩散聯

在處飄紅雨臨窓照夕陽何時清禁裏一笑伴仙郎

王梅

溪

七言古詩

神仙有無何渺茫桃源之說誠荒唐流水盤回山百轉
生綃數幅垂中堂武陵太守好事者題絨遠寄南宮下
南宮先生欣得之波濤入筆驅文詞文工畫妙各臻極

異境恍惚移於斯架岩鑿谷開宮室樓屋連牆千萬日
羸顛劉蹶了不聞地折天分非所恤種桃處處俱開花
川原遠近蒸紅霞初來猶自念鄉邑歲久此地還成家
漁舟之子來何所物色相猜更問語大蛇中斷喪前生
羣馬南渡開新主聽終詞絕共淒然自說經今六百年
當時萬事皆眼見不知幾許猶流傳爭持酒食來相饋
禮數不同樽俎異月明伴宿玉堂空骨冷魂清無夢寐
夜半金雞啁晰鳴火輪飛出客心驚人間有累不可住

依然離別難為情船開棹進一回顧萬里蒼蒼烟水暮
世俗寧知偽與真至今傳者武陵人

韓退之

望夷宮中鹿為馬秦人半死長城下避世不獨商山翁
亦有桃源種桃者一米種桃不計春采花食實枝為薪
兒孫生長與世隔如有父子無君臣漁郎放舟迷遠近
花間忽見驚相問世上空疑古有秦山中豈料今為晉
聞道長安吹戰塵春風回首一沾巾重華一去寧復得

天下紛紛經幾秦

王介甫

神仙擁出蓬萊宮羅幃繡幙圍香風雲鬟繞繞梳翡翠
頰顏滴滴勻猩紅千嬌百媚榮相逐爛醉芳春逞芳馥
朝陽影裏榮瓊紅辰霞香中咽寒玉承恩侍宴青帝前
錦衣半脫酣晝眠鶯鶯燕燕扶不起巧呼苦喚殊可憐
傍闌無力嬌欲語花羣本是桃源女幾年流水飯胡麻
今在武陵溪上住

趙福元

誰家有女腰如束雙眸剪水肌凝玉褪紅香汗濕鮫綃
低壓嬌花髮雲綠春光瀲灩春晝長春風撲面春花香

一聲環珮鳴丁當自臨鸞鏡勻新粧

趙信庵

七言古詩散聯

小徑升堂舊不斜五株桃樹亦從遮
高秋總餽貧人食

來歲還舒滿眼花

杜甫

山桃紅花滿上頭蜀江春水拍山流
花紅易衰如郎意

水流無限似儂愁

劉禹錫

南家桃樹深紅色日照霞光看不得
樹小花狂風易吹

一夜風吹滿牆北

元稹

緋桃一樹獨後發
意若待我留芳菲
清香嫩葉含不吐

日日怪我來何遲

歐陽公

七言絕句

奉乞栽桃一百根
春前為近浣花村
河陽縣裏雖無數

濯錦江邊未滿園

杜甫

黃師塔前江水東
春光懶困傍微風
桃花一簇開無主

可愛深紅映淺紅

百葉霜桃晚更紅
臨窓映竹見玲瓏
應知侍史歸天上

故伴仙郎宿禁中

韓文公

細腰宮裏露桃新
默默無言幾度春
至竟息亡緣底事

可憐金谷墮樓人

杜牧

東風漸急夕陽斜
一樹夭桃數日華
為惜紅芳今夜裏

不知和月落誰家

來鵠

山桃野杏兩三栽
樹樹繁花去後開
今日主人相引看

誰知曾是客移來

雍陶

天上碧桃和露種
日邊紅杏倚雲栽
芙蓉生在秋江上

不向東風怨未開

高蟾

樹頭樹底覓殘紅一片西飛一片東自是桃花貪結子

却教人恨五更風

王建

小樓一望那人家出屋香稍幾樹花只恐東風能作惡

亂紅如雨墮窓紗

劉原父

野桃無主滿山隈仙客攜樽獨自來盡日馨香留我醉

每春顏色為誰開

王元之

千朵穠芳倚樹斜一枝枝綴亂雲霞憑君莫厭臨風看

占斷春光在此花

向敏中

衣裁細縵態纖穠猶在瑤池午醉中嫌近清明時節令

趁渠新火一番紅

魯表文

習習香薰薄薄烟杏遲梅早不同妍山齋盡日無鶯蝶

只與幽人伴醉眠

种明遠

雨後桃花作片飛風前柳絮點人衣春歸不用怨風雨

無雨無風春亦歸

黃靜齋

盡是劉郎手自栽劉郎去後幾番開東君有意能相顧

蛺蝶無情也不來

朱淑真

恰匝西園一徑通
幾經霜盡野塘空
桃花錯認東風暖

却與芙蓉鬪小紅

趙信庵

雙槳春風款款移
斜陽平半落芳池
不妨暫向橋邊駐

更為桃花了一詩

陳月潭

桃源花發幾番春
閒說漁郎此問津
秦帝謾勞方士道

神仙已是避秦人

蕭水崖

七言八句

上苑天桃自作行，劉郎去後幾回芳。
厭從年少追新賞，閒對宮花識舊香。
欲贈佳人非汎洎，好紉幽佩與沉湘。
鶴林神女無消息，為問何由返帝鄉。
東坡

七言律詩散聯

暖觸衣襟漠漠香，間梅遮柳不勝芳。
數枝艷拂文君酒，半里紅歌宋玉牆。
羅隱

任應雨杏惜無別，最與烟篴分不疎。
比合並饒皮博士，形相偏屬薛尚書。
林和靖

窓外既無偷竇客井邊還有蠹根虫此中不是城東路

花葉低昂任曉風

名賢集

施朱施粉色俱好傾國傾城艷不同疑是藥宮同姊妹

一時俱肯嫁東風

邵康節

采藥人歸聞木氣尋仙路遠夢桃花買來山釀全如水

亦解昏昏到日斜

陸云西

欲留王母盤中核兼采秦人洞裏薪此事渺茫花笑我

不如醉賞故園春

王梅溪

樂府祖

水調歌頭

瑤草一何碧，春入武陵溪。溪上桃花無數，花上有黃鸝。
我欲穿花尋路，直入白雲深處，浩氣展虹霓。祇恐花深
處，紅露濕人衣。坐白石，歛玉枕，拂金徽。謫仙何處，無
人伴我白螺盃。我為靈芝仙草，不為朱唇丹臉，長嘯亦
何為。醉舞下山去，明月逐人歸。
山谷

水龍吟

嶺梅香雪飄零盡繁杏枝頭猶未小桃一種妖嬈偏占
春工用意微噴丹砂半含朝露粉牆低倚是誰家小女
嬌癡怨別空凝睇東風裏好是佳人半醉近橫波一枝
爭媚玄都觀裏武陵溪上空隨流水惆悵如紅雨風
不定五更天氣念當年門裏如今陌上灑離人淚

晁端禮

虞美人

碧桃天上栽和露不是凡花數亂山深處水縈回可惜
一枝如畫向誰開輕寒細雨情何限不道春難管為

君沉醉亦何妨只怕酒醒時候斷人腸

秦少游

十年花底承朝露看到江南樹洛陽城裏又東風未必

桃花得似舊時紅 胭脂睡起春纔好應恨人空老心

情雖在只吟詩白髮劉郎孤負可憐枝

陳去非

點絳脣

醉漾輕舟信流引到花深處塵緣相誤無計花間住

烟水茫茫回首斜陽暮山無數亂紅如雨不記來時路

蝶戀花

穠艷嬌春春婉晚雨借風饒學得宮粧淺愛把綠眉都
不展無言脈脈情何限花下當時紅粉面準擬新年
都向花前見爭奈武陵人易散丹青傳得閨中怨

王道輔

滿江紅

柳帶榆錢又還是清明寒食正滿園羅綺滿城簫笛花
樹看晴紅欲染遠山過雨青如滴問江南池館有誰來
江南客烏衣巷今猶昔烏衣事今難覓但年年燕子
晚烟斜日抖擻一春塵土債悲涼萬古英雄迹且芳樽

隨分趁芳時休虛擲

吳履齊

阮郎歸

長條嫋嫋串紅綃無風時自搖十分妖艷更箇條帶春
情態嬌風影舞露痕嘲買來和蝶饒故園愁絕楚宮

腰相逢恨怎消

劉圻父

全芳備祖前集卷八

欽定四庫全書

全芳備祖前集卷九

宋 陳景沂 撰

花部

李花

附李木

事實祖

碎錄

何彼穠矣華如桃李

詩

桃李不言下自成蹊

見桃花門

紀要

處士崔元徽東都有宅元徽入嵩山採木茯苓回宅中

蒿萊滿院時春夜風月清爽忽有白衣引紅裳者曰姓

李一曰陶氏乃命坐月下色皆殊絕滿坐芳香襲人

天寶

遺事憲宗以鳳李花釀換骨醪賜裴度

叙問錄

蕭瑀陳叔達

于龍昌寺看李花相與論李有九標謂香雅細淡潔密

宜月夜宜綠髮宜從酒皆實事

承平舊纂

沅陵王貫家李花

開一夜奴婢遙見花作數團如飛仙狀上天去花上露

倏作雨數千點花則亡矣

樞要錄

元微之白樂天兩不相

下一日同咏李花微之先成曰葦綃開萬朵樂天乃服

葦葦綃白而輕一時所尚

高隱外書

桃李歲歲同時並開

而退之有花不見桃惟見李之句殊不可解因晚登碧

落堂望隔江桃李桃皆暗而李獨明乃悟其妙蓋炫晝

縹夜云

誠齋詩序

老子之母適到李下生老子生而能言乃

指李而曰以此為我姓

神仙傳

東方朔令弟子叩道遙人

家門不知室主姓名呼不應朔復往見博勞飛集其主

家李木上朔謂弟子曰主人當姓李名博汝呼當應室

中人果有姓李名博者出與朔相見即入取飲與之

漢武

外傳

賦咏祖

五言散句

仙李盤根大

杜少陵

當知露井側復與天桃隣

江總

南國有佳人容華若桃李

文選

鶯密啼葉外蝶獻晚花心

沈約

世人種桃李多在金張門

李白

自明無月夜强笑欲風天

高隱

桃花空落地終被笑妖紅

錢起

春風且莫定吹向玉階飛

丘為

西園有千葉淡泊更纖穠

東坡

七言散句

羽蓋夢餘當晝立縞衣風急過牆來

陳與義

春晝暖風薰翠幄暑天涼氣暗朱闌

陶弼

碎錦不飛蒙樹合素雲歌亞舉枝難

司馬公

重門深鎖春風入先折桃花與李花

梅聖俞

祇有此花知舊意又隨風色過東牆

蔡君謨

五言古詩散聯

盤根植瀛渚交榦橫倚天舒花光四海卷葉暎三川

唐太

宗

冷局少風景買花栽作春前時櫻桃過今日雀李新嫋

條紅蓓蕾婀娜含雨勻舊來舊薇叢饒借與近隣始移

棟夢密不懸車下榛

梅聖俞

五言八句

嘉李繁相倚園林淡泊春齊紉剪衣薄吳紵下機新色
與晴光亂香和露氣勻望中皆玉樹環堵不為貧

溫公

七言古詩

江陵城西二月尾花不見桃惟見李風揉雨練雪羞比
波濤翻空杳無涖君知此處花何似白花倒燭天夜明
羣鷄驚鳴官吏起金烏海底初飛來朱輝散射青霞開

迷魂亂眼看不得照耀萬樹繁如堆念昔少年著游燕
對花豈省辭酒盃自從流落憂感集欲去未到先思迴
祇今四十已如此後日更老誰論哉力攜一樽獨就醉
不忍虛擲委黃埃

解昌
黎

平旦入西園梨花數株若矜誇旁有一株李顏色慘慘
似含嗟問之不肯道所以獨遶百匝至日斜忽憶前時
經此樹正見芳意初萌芽奈何趁酒不省錄不見玉枝
攢霜葩泫然為汝下雨淚無由返旆義和車東風來吹

不改顏蒼茫夜氣生相遮冰盤夏薦碧實脆斥去不御

慚其花

韓愈

當春天地爭奢華洛陽園苑尤紛拏誰將平地萬堆雪
剪刻作此連天花日光赤色照未好明月暫入都交加
夜領張藉投盧仝乘雲共至玉皇家長姬香御四羅列
縞裙練帨無等差靜濯明妝有所奉願我未肯置齒牙

清寒瑩骨肝膽醒一生思慮無由邪

昌黎

七言古詩散聯

昨日摘花初見桃今日摘花還見李晴風暖日苦相催
春物所餘知有幾中年多病壯心衰對酒思歸未及歸
不及牆根花與草春來隨處自芳菲

文忠

七言絕句

朝摘桃花紅破萼莫摘李花繁滿枝客心浩蕩東風急

把酒看花能幾時

王荆公

東都綠李萬州栽君手封題我手開把得欲嘗先悵望

與渠同別故鄉來

白樂天

近紅暮看失胭脂遠白宵明雪色奇不見桃花惟見李

一生不議退之詩

楊誠齋
三首

山莊又報李花穠火急來看細雨中除却斷腸千樹雪
別無春恨訴東風

李花宜遠又宜繁惟遠惟繁始足看莫學江梅作疎影
家風各自一般般

長念詩人咏子嗟團圞繞樹日欹斜冰盤行薦炎天實

不用青門學種瓜

王梅溪

為愛橋邊半樹斜解衣賞酒陽橋家唐人苦死無標致

只識玄都觀裏花

劉後村

七言八句

燕公樓下繁華樹一日遙看一百迴羽蓋夢餘當畫立
縞衣風急過牆來洛陽路不容春到南國花應為客開

今日喜看簪短髮感時傷舊意難裁

陳去非

樂府祖

尉遲杯慢

碎雲薄向碧玉枝綴萬夢如將汞粉勻開疑使柏麝薰
却雪魄未應若况天賦標艷仍綽約當暄風暖日佳處
戲蝶游蜂看著重重繡帶珠箔障穠艷霏霏異香漠
漠見說徐妃當年嫁了信任玉鈿零落無言自啼露蕭
索夜深待月上闌干角廣寒宮要與姮娥素妝一夜相

學

万俟
雅言

林禽花

事實祖

碎錄

以味甘來衆禽故曰來禽

洪玉父集

紀要

王羲之帖青梨來禽子皆囊盛為佳函封多不生

法帖

襍著

生子玉井之側出自金膏之地

梁孝威謝書

賦咏祖

五言散句

鏡調嬌面粉燈泛高籠纈

元稹

直宜風起舞飛去替雲行

鄭谷

五言古詩散聯

秋花冬更開夏實冬還結物理性難常人意自為孽

梅聖俞

俞

五言律詩散聯

積蠹無全葉疎叢有悴莖偶來庭樹下重看露葩榮

梅聖俞

俞

七言古詩

來禽花高不受折，滿意清明好時節。
人間風日不貸春，昨莫胭脂今日雪。
舍東蕪菁滿眼黃，蝴蝶飛去專斜陽。
妍媸都無十日事，付與梧桐一夜涼。

簡齋

七言古詩散聯

東坡先生未歸時，自種來禽與青李。
五年不踏江頭路，

夢逐東風泛蘋芷。

東坡

七言絕句

粲粲來禽已著花芳根誰縱向天涯好尋青李相遮映

風味應同逸少家

劉屏山

樂府祖

虞美人

落花已作風前舞又送黃昏雨曉來庭院半殘紅惟有
游絲千丈裊晴空殷勤花下重攜手更盡尊中酒美
人不用歛愁眉我亦多情無奈酒闌時

葉少蘊飲林禽花下作

梨花



事寶祖

碎錄

洛陽梨花時人多攜酒其下曰為梨花洗粧

唐餘錄

紀要

武后嘗季秋出梨花示羣臣宰相以為祥衆賀曰陛下
德被草木故秋再花周家仁及行葦之比杜景佺曰陰
陽不相奪倫瀆則為灾故曰冬無愆陽夏無伏陰春無
淒風秋無苦雨今草木黃落而梨復花瀆陰陽也

唐史天

寶中上命宮中女子數百人為梨園子弟

明皇雜錄

玄宗至

馬嵬驛令高力士縊貴妃于佛堂前之梨木

唐史

雜著

杭州其俗釀酒趁梨花開時熟則號梨花春故白公杭

州詩云紅袖織綾誇柿蒂青旂沽酒趁梨花

長慶集

賦咏祖

五言散句

梨花白雪香

李白

梨花獨送香

牧之

臨風千點雪

周撲

春陰妨柳絮月黑見梨花

山谷

尚記梨花村依依聞暗香

歐公

梨花春二月杜宇夜三更

陳三嶼

七言散句

風寒露重梨花濕

白居易

雨帶啼痕白玉容

韓忠獻

共藉梨花作寒食

孔方平

雨晴梨花春有光

砌下梨花一堆雪

亂飄梨雪曉來天

劉筠

滿樓明月梨花白

獨卧郡齋寥落意隔簾微雨濕梨花

呂溫

最是嬾閨年少婦白粧素袖碧紗裙

樂天

玉容寂寞淚闌干梨花一枝春帶雨

樂天

聞吹玉殿昭華琯醉折梨園縹帶花

牧之

曲水飄香去不歸梨花落盡成秋苑

李賀

梨花院落無人處竊取寧王玉笛吹

張祐

寂寞空庭春欲晚梨花溜地不開門

方干

梨花院落溶溶月柳絮池塘淡淡風

晏同叔

風入池塘邀柳絮月來院落伴梨花

東風二月淮陰郡惟見棠梨一院春

劉商

一片朝雲粉面乾雨餘仍帶淚闌干

魯文昭

朝來經雨低含淚
疏寫真妃寂寞粧

忠獻

常滋沆瀣充饑脆不假胭脂上臉紅

莫待海風終夜發狂隨柳絮擁籬根

芸叟

庭暗梨花疑有月堤晴楊柳自生烟

三嶼

五言古詩

沙頭日日春當日誰手種風飄香未解雪壓枝自重看
花思食實知味少人共霜降百工休把酒約寬縱

山谷

五言古詩散聯

玉壘稱津潤金谷訪芳菲詎意龍樓下素蕊映朱扉雜

雨疑梅落因風似蝶飛豈不憐飄墜願入九重圍

孝綽

當春花盛時雪滿山前後嘗期摘秋實磊磊落吾手

南豐

五言絕句

三月雪連夜未應傷物華只緣春欲盡留著伴梨花

杜甫

淡客逢寒食村烟爛漫芳謫仙天上去白雪世間香

梅溪

五言八句

綠陰寒食晚猶自滿空園雨歇芳菲白蜂聲寂寞繁一

枝橫野路數樹出江村悵望頻回首何人共酒樽

溫憲飛卿

子此詩本
集不載

共飲梨花下梨花挿滿頭清香來玉樹白蟻浮金甌
粧靚青娥妮光凝粉蝶羞年年寒食夜吟繞若為愁

穆清叔

五言律詩散聯

艷淨如籠月春寒未逐風桃花徒點地剛被笑妖紅

錢起

巧解迎人笑還能亂蝶飛春風時入戶幾片落朝衣

皇甫冉

冉

開因寒食雨點苑故因風白玉佳人死青銅玉鏡空

梅堯

俞

園思前法部淚濕舊宮妃
月白鞦韆地風吹蛺蝶衣
強傾寒食酒漸老覺歡微

七言古詩

洛陽城外清明節百花零落梨花發
相逢今日瘴海頭共驚爛漫開正月

七言古詩散聯

江南寒薄春常早
花卉入春先自老
嗟予衰病不及時

見出園池半青草縱有餘葩在葉間行看落片隨風掃

蔡君謨

紅梨千葉愛者誰白髮郎君心好奇徘徊繞樹不忍折
一日千匝看無時陵夷寂寞千山裏地遠氣偏時節異

歐陽公

此樹生此處絕艷無人顧春風吹落復吹開山鳥飛來

自飛去

歐陽公

寒食北園春已深梨花滿枝雪圍徧青春每向風外得

秀艷應難雪中見

文與可

七言絕句

桃溪惆悵不能過紅艷紛紛落地多
聞道郭西千樹雪

欲將君去醉如何

退之

槿籬芳樹近樵家
壠麥青青一徑斜
寂寞游人寒食後

夜來風雨送梨花

溫庭筠

梨花淡白柳深青
柳絮飛時花滿城
惆悵東園一株雪

人生能得幾清明

東坡

青女朝來冷透肌，殘春小雨更霏微。流鶯怪底爭來往。

為擲金梭織玉衣。

張芸叟

冷香銷盡晚風吹，脈脈無言對落暉。舊日村西千樹雪。

今隨蝴蝶作團飛。

謝無逸
二首

剪剪輕風漠漠寒，玉肌消索粉香殘。一枝帶雪牆頭去。

不用行人著眼看。

玉作精神雪作膚，雨中嬌韻越清癯。若人會得嫣然態。

寫作楊妃出浴圖。

趙福元

二月春風楊柳青，知郎繫馬在長亭。相思情味如中酒，

折盡梨花喚不醒。

吳菊潭

七言八句

朝來帶雨一枝春，薄薄香羅感葉勻。冷艷未饒梅共色，
靚粧嘗與月為隣。許同蝶夢還如蝶，似替人愁却笑人。
須到年年寒食夜，情懷為爾倍傷神。

朱淑真

七言律詩散聯

風開笑頰輕桃艷，雨帶啼痕白玉容。蝶舞只疑殘壓墜，

月明惟覺異香濃

卓忠
彦

繽紛紫雪浮鬢細冷淡清姿奪玉光剛笑何郎曾傅粉

絕憐荀令愛薰香

沈南
溪

樂府祖

水龍吟

素肌應怯餘寒艷陽占盡青蕪地樊川照日靈闕遮路
殘紅歛避傳火樓臺妬花風雨長門深閉亞簾櫳半濕
一枝在手偏勾引黃昏淚別有風前月底布繁英滿園

歌吹朱鉛退盡潘妃却酒昭君乍起雪浪翻空粉黛縹
夜不成春意恨玉容不見瓊英謾好與何人比

蝶戀花

鏤雪成花檀作蕊愛伴秋千搖曳春風裡翠袖年年寒
食淚為伊牽惹愁無際幽艷偏宜春面細紅粉闌干
有箇人相似鈿合金釵誰與寄丹青傳得淒涼意

王道
輔畫

梨花

驀山溪

減翠凋紅正是清秋杪深院嫋香風看梨花一枝開早
瓏璁映面依約認嬌顰天淡淡月溶溶春意知多少

清明池館芳信年年好更向五侯家把江梅風光占了
休教寂寞辜負向人心檀板響寶杯傾滿鬢從他老

曾海

野莫秋
應制

全芳備祖前集卷九

欽定四庫全書

全芳備祖前集卷十

宋 陳景沂 撰

花部

杏花

事實祖

碎錄

葉似梅花差大而微紅其仁可入藥

草本

杏者東方歲星

之精也

典術

天台山有杏花六出而五色號仙人杏

述異記

三月杏花盛可播白沙輕土之田

四月民月令

紀要

孔子游緇帷之林坐杏壇之上弟子讀書孔子絃歌鼓

琴

莊子

裴晉公午橋莊有文杏百株其處立碑錦坊

吳景錄

張元性蘆潔南隣有杏兩株杏熟多落元園中元悉還

主者

後周書

神龍以來杏園宴後于慈恩寺塔題名唐進

士杏花園初會謂之探花宴以少俊之人為探花使

撫言

唐明皇遇春雨初晴命取羯鼓臨軒縱擊面視柳杏皆

發大笑曰此不喚我作天公可乎遺事司徒馬燧子邕以

第中大杏進實文場文場以進德宗未嘗見頗怪之令

中令就封其樹邕懼進宅為奉誠園桂苑叢談太平園中有

杏數株每至爛開大宴一株則令一妓倚其傍立館曰

爭春開元中宴罷夜闌或聞花有歎息之聲楊州事跡

雜著

桃杏郁李華實照爛潘岳開居賦徐州古豐縣朱陳村有杏

花一百二十里近有人為德慶戶曹道過此村其花尚

無恙也昔東坡詩云我是朱陳舊使君勸農魯人杏花

村如今風物那堪話縣吏催錢夜打門

詩話

賦咏祖

五言散句

露香紅玉樹

樂天

烟濕杏花鬚

李賀

紅簇交枝杏

李賀

花開連錦帳

姚令

魯伴曲江春

文與可

淺紅欺醉粉

聖俞

獨開新塹底半露舊燒枝

張籍

紅輕欲愁殺粉薄似啼消

吳融

明日期何處杏花開處村

樂天

孤村芳草遠斜日杏花飛

寇萊公

艷蕊黏紅蠟仙艷總薄羅

聖俞

月淡斜分影池清倒寫真

與可

七言散句

種杏仙家近白榆

杜荀

杏園淡泊開花落

樂天

金定四庫全書
卷十
柳絲牽水杏花紅

鄭谷

杏花爭忍掃成堆

杏艷桃華奪晚霞

唐
謙

霏微紅雨杏花天

宋
莊

秦庭繁杏兩株開

元
盦

趙村紅杏每年開十五年來看幾迴

樂
天

近西數樹猶堪醉半落春風半在枝

莫怪杏園憔悴去滿城多少插花人

杜
牧

大道青樓御苑東，玉欄仙杏壓枝紅。

韋莊

知有杏園無路入，馬前惆悵杏花紅。

飛卿

粥香餠白杏花天，省對流鶯坐待筵。

高隱

日日春光鬪日光，山城斜路杏花香。

烟閑綠楊官路靜，雨開紅杏宅門深。

丁謂

記取明年作寒食，杏花曾與此翁隣。

東坡

北園山杏皆高枝，新枝故花如點酥。

與可

紅芳紫萼怯春寒，蓓蕾黏枝密作團。

王元之

惟有流鶯偏稱意夜來偷宿最繁枝

見說舊園為茂草寂寥無復萬枝紅

絕憐欲白仍紅處正是微開半吐時

楊廷秀

行穿小徑尋晴朵自換芳條嗅嫩香

春色滿園關不住一枝紅杏出牆來

葉紹翁

落梅香斷無消息一樹春風屬杏花

施芸隱

客裏不知春早晚失驚紅雨到牆陰

鄭安曉

五言古詩

零露泣月蕊溫風散晴葩天公了不睡連夜開此花芳
心誰剪刻天質自清華惱客香無有弄粧影橫斜中山
古戰國殺氣浮高牙叢臺餘衽服易水雄悲笳自從此
花開玉肌洗塵沙坐令將俠窟化作溫柔家我老念江
梅不欲空咨嗟劉郎歸何日紅桃爍殘霞明年花開時
舉酒望三巴

東坡

五言古詩散聯

春色芳盈野枝枝綻晚英依稀暎村塢爛漫開山城好

折待賓侶金盤襯紅瓊

度信

春意竟相妬杏花應最嬌紅輕欲愁殺粉薄似啼消願

作南華夢翩翩繞此條

吳融

五言絕句

年年曲江望花發即經過來飲心先醉臨風思倍多

劉禹

錫

萬樹紅仙杏新開一夜風滿園深淺色照在碧波中

王涯

帶雲猶誤雪映日欲欺霞紫陌傳香遠紅泉落影斜

沈亞

之

枕上杜鵑啼忽忽早起時出門天未曉月在杏花枝

劉毅

父

殷紅鄙桃艷淡白笑梨花落處飄微霰繁時疊亂霞

孫向

道白非真白言紅不在紅請君紅白外別眼看天工

楊廷

秀

獨卧南窓外悠然五六旬忽聞隣杏美故挽一枝春

古詩

五言八句

不學梅欺雪輕紅照碧池小桃新謝後雙燕却來時香
屬登龍客烟籠宿蜨枝臨軒須貌取風雨易離披

鄭谷

七言古詩

居隣壯郭古寺空杏花兩株能白紅曲江滿園不可到
看此寧避雨與風二年流竄出嶺外所見草木多異同
冬寒不嚴地常泄陽氣發亂無全功浮花浪蕊鎮長有
纔開還落瘴霧中山榴躑躅少意思照耀黃紫徒為叢
鷓鴣鉤輅猿叫歇香靄深谷攢青楓豈知此樹一來玩

若在京國情何窮今旦胡為忽惆悵萬片飄泊隨西東

明年更發應更好道人莫忘隣家翁

韓文公

杏花飛簾散餘春明月入戶窺幽人褰衣步月踏花影
炯如流水涵青蘋花間置酒清香發爭挽長條落香雪
山城薄酒不堪飲勸君且吸杯中月洞簫聲斷月明中
唯憂月落酒杯空明朝卷地東風惡但見落葉栖殘紅

東坡

青春不揀勢薄厚春到人家盡花柳李園主人殊未來

豈謂一枝先入手天晴日暖籠紫烟鏡裏紅顏獨施酒
江梅已盡桃李遲此時此花即吾友關邈漸雨枝上空
歎息踟躕為之久榮枯何異人一生少壯幾時成老醜
狂痴未解惜光陰不飲十人常八九豈知大醉升糟丘
太古乾坤隨處有更當種子如董仙博來誰能問升斗

山谷

七言古詩散聯

西林昨日偶獨到猶有一樹當南軒殘芳爛漫開更好

皓若春雪團枝繁

歐陽文忠

七言絕句

杏園欲去去遲遲
正是風吹狼籍時
近西數樹猶堪惜

半落春風半在枝

樂天

忽憶芳時頻酩酊
却尋醉處重徘徊
杏花結子春深後
誰解多情又獨來

憐君把酒偏惆悵
曾是貞元花下人
自別花來多少事
東風二十四回春

二十餘年作逐臣歸來還見曲江春游人莫笑白頭醉

老醉花間能幾人

劉禹錫

劉郎不用閒惆悵且作花間共醉人等是負元舊朝士

幾員同見太和春

元微之

活色生香第一流手中移得近青樓誰知艷性終相負

亂却春風笑不休

薛能

落花流水認天台半醉閒吟獨自來惆悵仙翁何處去

滿庭紅杏碧桃開

高駢

登龍曾入少年場，賜宴瓊林醉御觴。
爭帶滿頭紅爛漫，

至今猶雜桂枝香。

王元之
三首

桃紅梨白莫爭春，素態嬌姿兩未勻。
日暮牆頭試回首，
不施朱粉是東鄰。

暖暎垂楊曲檻邊，一堆紅雪草青烟。
春花自得風流伴，
榆英休拋買笑錢。

垂楊一迳紫苔封，人語蕭蕭院落中。
獨有杏花如喚客，

倚牆斜日數枝紅。

王荆
公

淺淡胭脂剪絳綃獨將妖艷冠花曹春心自得東皇意

遠勝玄都觀裏桃

朱淑真

白白紅紅一樹春晴光耀眼看難真無端一夜蕭蕭雨

細錦全機卸作茵

楊廷秀五首

紅藍細細糝晴色紫玉森森走膩條枯梗折教無一二

併驅春力弄花稍

曾見乾條撼雪飛一暄爆出萬餘枝從今日日須來看

看到紅紅白白時

不信東皇也有私如何偏寵杏花枝
于中更出紅千葉
且道化工奇不奇

看花千樹洛陽春
白傅年年愛趙村
月蕊晴肥風露格
老夫移得在東園

江梅已過杏花初
尚怯春寒著蕊疎
待得重來幾枝在

半隨蝶翅半蜂鬚

呂東萊

七言八句

蓓蕾枝梢血點乾
粉紅腮頰露春寒
不禁烟雨輕欺著

只好亭臺愛惜看，
偎柳傍桃斜欲墜。
等鶯期蝶猛成，
圍京城巷陌新晴後。
買得風流更一般，
林和靖

顆顆粧成藥竈牙，
白邊開處近彤霞。
直宜相閣栽培物，
更是仙人種植花。
高竹出羣猶仰慕，
香名超格合供諺。
諸賢繼有尋芳會，
欲奉歡游決自差。
韓忠獻

七言律詩散聯

杏花菖葉漸爛斑，
率屬劬農入祖闕。
昔日郎君方彩袖，

今朝太守已蒼顏。

厲小山

樂府祖

菩薩蠻

春風約畧吹羅幕一簾細雨春陰薄試把杏花看濕紅
嬌暮寒 佳人雙玉枕烘碎鴛鴦錦折得最繁枝煖香

生翠幃

張于湖

水龍吟

小桃零落春將半雙燕却來池館名園相倚初開繁香
一枝遙見竹外斜穿柳間深暎粉愁春怨任紅歌宋玉

牆頭千里魯牽惹人腸斷 常記山城斜路噴清香日
遲風暖春陰挫後馬前惆悵滿枝粧淺陰院簾垂雨愁
人處碎紅千片料明年更發多應更好約隣翁看兆次

憶秦娥

春寂寞長安古道東風惡東風惡胭脂滿地杏花零落
臂銷不奈黃金約天寒猶怯春衫薄春衫薄淚珠無

數為君彈却

康伯可

念奴嬌

杏花過雨漸殘紅零落胭脂顏色流水飄香人漸遠難
託春心脈脈恨別王孫牆陰目斷手把青梅摘金鞍何
處綠楊依舊南陌消散雲雨須臾多情因甚有輕離
輕折燕語千般爭解說些子伊家消息厚約深盟除非
重見見了方端的而今無奈寸腸千恨堆積沈公述

憶漢月

紅杏一枝遙見凝露粉愁香怨吹開吹謝任東風恨流
鶯不能拘管曲池連夜雨綠水上碎紅千片直擬移

金瓶梅詞話卷之二十一
卷十
來向深院任凋零不辜雙眼杜安世

千秋歲

杏花風下獨立春寒夜微雨度疎星挂暉暉濃艷出
媚繁粧亞朱檻倚輕羅醉裏添還却寂寞情猶下悵
望驂鸞駕衣褪香欺麝一花拚一醉杯重憑難把春去
也重簾翠幙人如畫趙介菴

春光好

胭脂膩粉光輕正新晴枝上鬧紅無處著近清明仙

娥進酒多情向花下相鬧盈盈不惜十分傾玉竿惜凋

零

曾海野
佳宴作

點絳脣

烟冷金爐夢回鴛帳餘香嫩更無人問一枕江南恨

消瘦休文須覺春衫褪清明近杏花吹盡薄暮東風緊

趙元
鏞

清平樂

艷苞初折偏惜東風力上苑梨花烟雨濕新染胭脂顏

色玉人小立簾櫳輕勻媚臉粧紅斜插一枝雲髻看

誰剩得春工

曾平立
應制



全芳備祖前集卷十

欽定四庫全書

子部

全芳備祖前集卷十三

詳校官中書_臣竇汝翼

主事_臣祁韻士覆勘

總校官庶吉士_臣朱 鈐

校對官助教_臣卜維吉

謄錄監生_臣陸潮愈

欽定四庫全書

全芳備祖前集卷十一

宋 陳景沂 撰

花部

荷花

事實祖

碎錄

荷芙蕖也其莖茄其葉蓮其本蔽其花菡萏其實蓮其根

藕其中的的中薏

爾雅茄古薏切

荷莖也蓮荷葉也蔽

芙必切荷

本也莖下白藕在泥中者本根也 芙蓉一名荷花一名

水芝一名水華有赤白紅紫青黃紅白二色差多花大者

至百葉

崔豹古今注

隔有荷花

注

荷花芙蕖也

詩山有扶蘇

彼澤之

陂有蒲與荷有蒲菡萏

詩澤陂

高原陸地不生此花卑濕淤

泥乃生此花

維摩經

滄州金蓮華州人研之如泥以間綵繪

光彩煥爛與真金無異但不能入火而已更有莖出其

花如蝶每微風則搖蕩如飛婦人競采之以為飾語云

不帶金蓮花不能到仙家

杜陽編

南海有睡蓮夜則花低

入水屯田韋郎中從事南海親見之 五沃之玉生蓮

花

管子

九嶷山過半路皆竹松竹下狹路有青澗澗中有

黃色蓮芳氣竟谷

王歆之神華記

華山頂有池池中生千葉蓮

服之通仙因名華山

華山記

麻姑壇東南池中有紅蓮近

忽變碧今又白矣

壇記

稭著

漢昭帝游柳池有芙蓉紫色大如斗花素味甘可食芳

氣襲人其實如珠

拾遺記

謝靈運以詞采名鮑昭曰謝詩

如初日芙蓉

晉書

遠法師居廬山東林寺寺有白蓮花與

陶潛十八人同修淨土號為白蓮社

晉書

魏正始中鄭公

慙三伏之際率賓僚避暑於歷城取大荷葉盛酒以簪

刺葉令與柄通傳翕之名為碧筒

芙蓉園魏文帝所

開池種蓮其中芙蓉即蓮花也產于陸者曰木芙蓉產

于水者曰水芙蓉亦猶芍藥有草有木是也

杜詩注

庾果

字景行王儉用為衛將軍長史蕭緬與儉書曰盛府元

僚實難其選庾景行泛綠水依芙蓉何其麗也時人以

入儉府為蓮花池故緬書美之云

本傳

王敦在武昌鈴下

儀仗生蓮花五六日而落又云無錫湖陂雨初止陂吏

見一小婦人著青衣戴傘呼之不得自投陂中是大蒼

獼衣傘皆是荷花

搜神記

宋文帝元嘉中蓮生建康額擔

湖一莖兩華

宋書

南齊東昏侯鑿金為蓮花貼地令潘妃

行其上曰此步步生蓮花也

南史

太液池千葉白蓮帝與

妃子共賞指妃謂左右曰何如此解語花耶

天寶遺事

張昌

宗以姿貌見幸楊再思每日人言六郎似蓮花非也正

謂蓮花似六郎耳唐書于頔因瑞蓮制西號相府蓮唐史荷

為衣兮蕙為裳 緝芙蓉以為裳 寒芙蓉于木末

芙蓉始發雜菱荷離騷灼若芙渠出綠波洛神賦焚菱製而

裂荷衣孔稚圭北山移文芙蓉散其華文選攷庶卉之珍麗實總

美于芙蓉宋傅亮賦澤芝芳艷擅奇水屬練氣紅荷比符縹

玉顏延之頌上星光而倒影下龍鱗而隱映宋鮑照賦望江南兮

清且空對荷花兮丹復紅卧蓮葉而覆水亂高房而出

叢梁簡文帝賦紫莖兮文波紅蓮兮菱荷梁元帝賦色兼列綵體

煩衆號

梁昭明太子賦

河北權歌之妹江南採蓮之女春水廣

兮檝潺湲秋風駛兮舟容與

江淹賦

見白露之先降悲紅

蕖之已秋

宋之問秋蓮賦

復引舟于深灣忽八九之紅菱婉然

如婦歛然如女墜蓋點顏似見放棄

杜牧

荷花組繡于一

川

李華

度江南採蓮花綠葉映長波迴風容與動纖柯

陰結其實陽發其華金房綠葉素株紫柯煌煌芙蕖

含芳綠莖

傅玄歌

披紅衣以耀彩寄清流而託根或兩

兩以相扶漸亭亭而獨出

歐陽公賦

水陸草木之花可愛者

甚蕃晉陶淵明獨愛菊自李唐以來世人甚愛牡丹予獨愛蓮之出淤泥而不染濯漣漪而不妖中通外直不蔓不枝香遠益清亭亭淨直可遠觀而不可褻玩焉然予謂菊花之隱逸者也牡丹花之富貴者也蓮花之君子者也噫菊之愛陶後鮮有聞蓮之愛同予者何人牡丹

之愛宜乎衆矣

周茂叔
愛蓮說

賦咏祖

五言散句

倚香風送遠

梁元帝

朱花冒綠池

曹子建

芙蓉始發池

謝靈運

魚戲新荷動

謝元暉

幽蕩溢金塘

劉公幹

隔沼連香菱

杜甫

江天足菱荷

別浦落紅蕖

紅蓮搖白羽

長洲足菱荷

雨過亂紅蕖

水花晚色靜

荷淨納涼時

紅膩小湖蓮

霜倒半池蓮

野池蓮欲紅

杜甫

越女歌採蓮

荷花鏡裏香

李白

高荷蓋水繁

蒲蓮浩如海

東坡

蓮拆碧圓傾

樂天

翻翻江浦荷

紅蕖蓋明鏡

曉露洗紅蓮

韋蘇州

避風紅出沒

與可

蓮塘亂眼紅

陳無已

日分雙蒂影風合兩花香

梁朱超
同心蓮

荷生綠泉中碧葉齊如規

梁張華

楫少宜迴徑紅輕好入叢

晉劉綬

碧葉喜翻風紅蕖宜照日

汪浩

岸高知水落影合見菱稀

祖孫

藕絲牽作縷荷葉捧成盃

隋殷英童

蓮稀釧聲斷水短擢歌長

唐太宗

一莖孤引綠雙影共分紅

隋閻

澤蘭多泉芳妍姿不相已

李衛公

涉江玩秋水愛此紅蕖鮮

李白

碧倚生幽泉朝日艷且鮮

荷花嬌欲語愁殺盪舟人

都無色可並不奈此香何

李義山

白蓮方出水碧柳未鳴蟬

夢得

莫道西風動荷衣不奈秋

蒙龜

拳攣荷葉子未得展憐心

韋玉

佳人呈素面對鏡理新粧

元之

力弱烟披素心危露滴珠

丁晉公

美人艷新粧歛袂照秋水

少游

荷背風翻白蓮腮雨退紅

東坡

玉杯承露重鈿扇起風遲

楊文公

思逐蛟絲亂香愁翠被空

徐娘差半面楚女妬纖腰

錢思公

亂香清宿醉濃釀破狂愁

原父

交陰分濯秀並葉爛齊芳

七言散句

菱花葉葉爭如拭

杜甫

點溪荷葉疊青錢

棹拂荷珠碎却圓

雨裏紅蕖冉冉香

裊露微微滴秋淚

文忠公

浦浦風來趁藕花

秋壑

此花此葉長相映翠破紅愁笑殺人

杜甫

闔閭宮娃能采蓮明珠作珮龍為船

牧之

五言古詩

附散聯

碧玉小家女來嫁汝南王蓮花亂臉色荷葉雜天香因

持薦君子願襲芙蓉裳

梁元帝

勿言草卉賤幸宅天池中微根纔出浪短幹未搖風寧

知寸心裏蓄紫復含紅

沈約

蓮生此泥中不與泥同調食蓮誰不甘知味良獨少吾

家雙井塘十里秋風香安得同裘子歸製芙蓉裳

山谷

蓮花生淤泥淨色比天女空明世無匹銀瓶送佛所媽

然落寶牀應返梵天去

顏延之

渠仙初出波照日穉猶怯密排碧羅蓋低護紅玉頰館
之水晶宮環以琉璃櫟珠明浮盤戲酒漾流杯曄青峯
尖欲試綠牋皺還摺老龜大于錢辛勤上團葉忽聞人
履聲入水一何捷

誠齋

湛湛曲池水曉含風露清田田綠羅蓋燦燦白玉英淡
然絕世姿不與濃艷并俯鑑水雪影詎懷兒女情山中
徒淹留堂下空自成獨有忘機客相看兩無營

猛雨打萬荷怒聲戰秋聲水銀忽成泓一瀉無復遺不

如微雨來翠盤萬珠璣荷翻珠不落鈿響密更踈清如
雪觸窓三更夢闌時語君君不信對鏡當自知

執熱屏人事偃卧傭巾裳過門二三友失喜跣下牀鳴
騶出華陌聯轡遵野塘崇軒俯萬荷濯濯涵波光都忘
瘴海中疑墮玉井傍遠無膏粉氣近有冰雪涼製葉可
以衣米約可以嘗離騷譜靈草品爾列衆芳已曾識三
閭安肯肖六郎詞人更儼薄比咏猶妃嬙曷不觀茲華
意色和而莊風吹月露洗豈若冶與倡衆芳慕絕艷誰

能參微香余詩縱枯淡一掃時世粧

劉後村

錦帶雜花鈿羅衣垂綠川問子今何去去來江南蓮

梁吳

筠

金槳木蘭船戲來江南蓮蓮香隔浦度荷美滿船鮮

劉孝

威

微風搖紫柄輕露拂朱房中池所以綠待我泛紅光

沈約

桂舟輕不定菱歌引更長採採嗟別離無暇緝為裳

陳祖

孫

洩香銀索破瀉露玉盤傾我慚塵垢眼見此瓊瑤英

山香

刺莖淡蕩綠花片參差紅吳歌秋水冷湘廟夜雲空

左華

司

摘取芙蓉花莫摘芙蓉葉將歸問夫婿顏色何如妾

王昌

齡

藕花斷復續莫辨浦與汀初聞露花香一洗塵市腥

呂東

萊

芳姿香可人剛道六郎似誰謂前哲心愛蓮比君子

張怡

然

奇奇水上花湛湛花下水花得水扶持水因花富貴當

中既植藕四畔還種葦自然秋風生便有江湖意

謝堯仁

五言絕句

鑑湖三百里菡萏發荷花五月西施採人看隘若耶

李白

佛愛我亦愛清香蜨不偷一般奇特處不上婦人頭

鄭谷

露華晞別渚烟雨漲橫塘容態天然別風流似六郎

白氏

集

謾說黃金屋當年貯阿嬌爭如涉江女雙槳逐歸潮

昨夜三更裏嫦娥墮玉簪馮夷不敢受捧出碧波心

楊大

年

荷葉罩芙蓉圓青映嫩紅佳人南陌上翠蓋立春風

曹修

古

五言八句

雖聽采蓮曲誰識采蓮心漾楫愛花遠回船愁浪深烟

生極浦色日落半江陰同侶憐波靜看粧墮玉簪

戎昱

忽聞夔府句并送遠公蓮翠蓋臨風迴冰華浥露鮮舞
衣青縞袂倒影爛珠躔想像芙蓉闕冥冥絕世緣

文公

五言律詩散聯

全紅開似鏡半綠卷如盃誰謂回風力清香不滿米

杜甫

魚戲都堪數鷗飛絕自由會須窮一賞詰曲任扁舟

劉原

父

七言古詩

若耶溪傍採蓮女笑隔荷花共人語日照新粧水底明

風飄香袖空中舉岸上誰家游冶郎三三五五映垂楊

紫鴝鵒入落花去見此踟躕空斷腸

李太白

大華峯頭玉井蓮花開十丈藕如船冷比雪霜甘比蜜
一片入口沉疴痊我欲求之不憚遠青壁無路難黃緣
安得長梯上摘實下種七澤根株連

韓文公

君不學叔隗李隗南入晉又不學大喬小喬東入吳一
種桃根與桃葉若為化作雙芙蓉臨淮政成有餘暇坐
令舉室生瀟灑鷺溪一幅萬里寬移得浙川入圖畫天

空水濶江茫茫想見女英與娥皇九疑雲深蒼梧遠冰
姿泣露不成粧苦心抱恨何時了香骨應甘沒秋草不
如回首謝秋風分作尹邢來漢宮

周知微

郎來蓮妾來蓮蓮花開似妾初年蓮房結實妾生子郎

今來取應相憐暖香雖斷相牽連

鄭菊山

湧金門外涼生草無數荷花鬪嬌好自憐貧病不出門
無奈心情被花惱夜來一雨愁思濃晚看玉露垂庭草

便須扶杖買蘭舟莫待紅粧被霜老

湛道山

七言古詩散聯

平池碧玉秋波瑩綠雲擁扇青搖柄水宮仙子鬪紅粧
輕步凌波踏明鏡彩橋下有雙鴛戲曾托雙鴛問情意
半開微歛竟無言裊露微微滴秋淚

芙蓉花開秋水冷水面無風見花影飄香上下兩嬋娟

雲在巫山月在天

張文潛

翠蓋佳人臨水立寂寞雨中相對泣溫泉浮出玉肌寒
檀粉不施香汗濕一陣風來碧浪翻珍珠零落難收拾

任
卷

七言絕句

洛陽女兒花滿頭
耗耗同泛木蘭舟
秋風日暮南湖裏

爭唱菱歌不肯休

劉言史

水國烟香足
菱荷就中芳
瑞此難過風情為許
吳王近

紅夢從教一倍多

陸龜蒙

素蕊多蒙別艷欺
此花真的在瑤池
還應有恨無人覺

月曉風清欲墮時

漢室嬋娟雙姊妹天台縹緲兩神仙當時盡有風流過

謫向人間作瑞蓮

節 卽康

貪看翠蓋擁紅粧不覺湖遙一夜霜卷却天機雲錦段
從教匹練寫秋光

日日移床趁下風清香不盡思何窮若為化作龜千歲

巢向田田亂葉中

東坡
二首

鑿破蒼苔漲作池菱荷分得綠參差曉開一朵烟波上

是畫真妃出浴時

芙蓉照水弄嬌斜，白白紅紅各一家。近日新花出新巧，

一枝能著兩般花。

杜祁公
二首

司花手法我能知，說破方知未大奇。亂剪素羅裝一樹，
畧將數朵蘸燕支。

紅白蓮花開共塘，兩般顏色一般香。恰如漢殿三千女，

半是濃粧半淡粧。

誠齋

水中仙子並紅腮，一點芳心兩處開。想是鴛鴦頭白死，

雙魂化作好花來。

僧仲殊

嬌紅姪姹不勝姿只許行人半面窺恰似姑蘇明月夜

水晶宮殿貯西施

趙竹隱

初對庭除似浦池寶陀光彩射晴暉等閒游女來攀折

免使蘭橈水濺衣

白氏集

吳姬一曲採蓮歌回首秋風卷碧波翠蓋不能擎雨露

鴛鴦應怨夜寒多

吳菊潭

晚來一棹鑑湖東隊隊峯巒入短蓬一色藕花三十里

淡粧濃抹錦青紅

虞可齋

雨餘無事倚闌干，媚水荷花粉未乾。
十萬瓊珠天不惜，

綠盤擎出與人看。

王月浦

一樣娉婷絕代無，水宮魚貫出瓊鋪。
緣何買得凌波女，

為有荷盤萬斛珠。

鄭安晚

結亭臨水似舟中，夜雨蕭蕭亂打篷。
荷葉曉看猶不濕，

却疑誤聽五更風。

江古心

水邊舟子競招招，陌上車塵晚更囂。
只有幽人無個事，

荷花深處弄輕橈。

劉漫塘

扇飈宮羅衣浸沐湘妃晚浴試紅粧閑干月滿難成夢

風露侵人徹骨涼

陳古潤

萬柄綠荷衰颯盡雨中無可蓋眠鷗當初乍疊青錢滿

肯信池塘有暮秋

許梅屋

翠蓋紅幢耀日鮮西湖佳麗會羣仙波平十里鋪雲錦

風度清香趁畫船

楊葵齋

萱草軒窓處處幽酒中不著客中愁芭蕉葉上無多雨

分與池荷一半秋

孔山

七言八句

白玉花開綠錦池，風流御史報人知。
看來應是雲中墮，偷去須從月下移。
已被寒蟬催婉晚，更經涼雨動離離。
習家秋色堪圖畫，尺欠山翁倒接羅。

吳融

綠荷舒卷涼風攪，紅萼開繁紫萼重。
雙女漢皋爭笑臉，二妃湘浦並愁容。
自憐秋露柔姿結，不曉春妖冶態濃。
終恐玉京仙子識，却歸待種碧蓮峰。

李紳

晴久芳池可跣行，萍枯唯有草縱橫。
朱苞未見叢叢拆，

綠柄纔看寸寸生，悵若放臣臨楚澤。
厄于學士蹈秦坑，輸他杭越花如錦。
畫舫名姝夜按笙。

劉後村

七言律詩散聯

素房含露玉冠鮮，紺葉搖風鈿扇圓。
本是吳中經進藕，今為伊水寄生蓮。

白香山

芙蓉池裏葉田田，一本雙枝照碧泉。
濃艷共研香各散，

東西分麗蒂相連。

姚合

玉膩肌膚碧玉房，纍纍波面襯紅粧。
坐忘佛土三年夢，

來結人間一夏涼

高九萬

樂府祖

漁家傲

葉有清風花有露
葉籠花罩鴛鴦侶
白錦頂絲紅錦羽
蓮女如驚飛不許
長相聚
日脚沉紅天色暮
青涼傘
上微微雨早是水寒無宿處
須回步枉教雨裏分飛去

歐陽公

蝶戀花

一曲天香金粉膩蓮子中心自有深深意意密蓮深秋
正媚將花寄恨無人會橋上少年橋下水小棹歸時
不許牽紅袂浪濺荷心圓又碎無端欲伴相思淚

水浸秋天風皺浪縹緲仙舟只在秋江上和露采蓮愁
一晌看花却是啼粧樣折得蓮莖絲未放蓮斷絲牽
特地成惆悵歸棹莫隨花蕩漾江頭有個人相望

越女采蓮秋水畔袖輕羅暗露雙金釧照影摘花花
似面芳心只共絲爭亂瀉瀉灘頭風浪晚霧暝烟昏

不見來時伴
隱隱歌聲歸棹遠
離愁引著江南岸

雨過蒲桃新漲綠
蒼玉盤傾墮碎珠千斛
姬媼擁前紅

簇簇溫泉初試真妃浴
驛使南來丹荔熟
故剪輕綃

一色須時服嬌汗易晞
凝醉玉清涼不用香綿撲

宋景文

妖艷秋蓮生別浦
紅臉青腰舊識凌波女
照影弄粧嬌

欲語回風豈是繁華主
可恨良辰天不與
纔過斜陽

又值黃昏雨
朝落暮開空自許
竟無人解知心苦

晏叔原

漁家傲

荷葉田田青照水孤舟挽在花陰底昨夜蕭蕭疎雨墜
愁不寐朝來又覺西風起雨擺風搖金盞碎合歡枝
上香房翠蓮子與人長厮類無好意年年共在中心裏
修歐陽

為愛蓮房都一柄雙苞雙蕊雙紅影雨勢斷來風色定
池水靜仙郎綵女臨鸞鏡妾有容華君不省花今恩
愛猶相並花却有情人薄偉心耿耿因花又染相思病

採桑子

相妃浦口蓮開盡昨夜紅稀懶過前溪閒艤扁舟看雁
飛 去年謝女池邊醉晚雨霏微記得歸時旋折新荷
蓋舞衣

晏叔原

臨江仙

獵獵風蒲初暑過蕭然庭戶秋清野航渡口帶烟橫晚
山千萬疊別鶴兩三聲 秋水芙蓉聊蕩槳一樽同破
愁城蓼花灘上白鷗明暮雲連極浦急雨暗長汀

蘇養直

新荷葉

雨過回塘圓荷嫩綠新抽越女輕盈畫橈輕送蘭舟波
光艷粉紅相間脉脉嬌羞菱歌隱隱漸遙依約凝眸
隄上郎心波間粧影遲留不覺歸時暮天碧襯蟾鉤風
蟬噪晚餘霞影幾點沙鷗漁笛不道有人獨倚南樓

答

元

艷態還幽誰能潔淨爭妍淡抹疑濃肯將自在求憐終
嫌獨好任毛嬙西子差肩六郎塗浣似和不似依然
赫日如焚諸餘只恁光鮮雨過風生也應百事隨緣香

須道地對一池著甚沉烟根株好在淤泥白藕如椽

陳龍

川

念奴嬌

水楓葉下乍湖光清淺涼生商素西帝宸游羅翠蓋擁
出三千宮女絳米嬌春鉛華掩畫占斷鴛鴦浦歌聲搖
曳浣紗人在何處別岸孤棹一枝廣寒宮殿冷落淒
愁苦雪艷冰肌羞澹泊偷把胭脂勻注媚臉籠霞芳心
泣露不肯為雲雨金波影裏為誰長憑凝竚

僧仲殊

如夢令

嘗記溪亭日暮沉醉不知歸路興盡欲回舟誤入藕花

深處爭渡爭渡驚起一行鴛鴦

李易安

鵲橋仙

藕花亭上無塵無暑灩灩一池秋淨綠羅寶蓋碧瓊竿

翠浪裏重重月影一家姊妹兩般裝束濃淡施朱傅

粉夜深風入微寒問誰在牙床酒醒

趙德莊

洞仙歌令

若耶溪路別岸花無數斜斂嬌紅向人語綠荷相倚恨
回首西風波淼淼三十六陂烟雨新粧明照水汀渚
生香不嫁東風被誰誤遣踟躕客意千里綿綿仙浪遠
何處凌波微步想南浦潮生畫橈歸正月曉風清斷腸

凝竚

康伯可

晚風收暑小池塘荷淨獨倚胡床酒初醒起徘徊時有
香氣吹來雲添亂葉底游魚動影空擎承露蓋不見
冰容惆悵明粧曉鸞鏡後夜月涼時月淡花低幽夢覺

欲憑誰省且應記臨流憑闌干便遙想江南紅酣

千頃劉光祖

鷓鴣天

曉日初開露未晞夕烟輕散雨還微暗搖綠露游魚戲
斜照紅雲屬玉飛情脉脉恨依依沙邊空見棹船歸
何人解舞新聲曲一試纖腰半尺圍

葉石林

菩薩蠻

南軒面對芙蓉浦宜風宜月還宜雨紅少綠多時簾前

光景奇

繩床烏木几盡日繁華裏睡起一篇新與花

為主人

陳簡齋

踏莎行

楊柳回塘鴛鴦別浦綠萍漲斷蓮舟路斷無蜂蝶慕幽
香紅衣脫盡芳心苦返照迎潮行雲帶雨依依似與

騷人語當年不肯嫁東風無端却被秋風誤

賀方回

相見歡

亭亭秋水芙蓉翠帷中又是一年風露笑相逢
天機

畔雲錦亂思無窮路隔銀河猶解訴西風

向子諲

蘭陵王

蓼汀側朝靄依依弄色知何許
湘女淡粧羽節飛來帶
秋碧輕裛素綃織誰與明璫競飾
無言處相倚遡應有
柔情正堆積
當年駐香鷁記草媚羅裙波映文席斜
陽返照暮雨濕愛天際涼入愁寂
念疇昔謾太華峰頭
幽夢尋覓而今兩鬢如花白
但一線才思半星心力新
詞奇句便做有怎道得

張約齋

昭君怨

月在碧虛中住人向亂荷中去花氣雜風涼滿船香
雲被歌聲搖動酒被詩情斷送今夜卧花心擁紅衾

烏衣啼

曉來閒立回塘一襟香玉颭雲粧風外數枝涼相並
渾如私語惱人腸飛去方知白鷺在花旁

念奴嬌

鬧紅一舸記來時長與鴛鴦為侶三十六陂人未到水

佩風裳無數翠葉吹涼玉容銷酒更灑菰蒲雨嫣然搖
動冷香飛上詩句 日暮青蓋亭亭情人不見爭忍凌
波去只恐舞衣寒易落愁入西風南浦高柳垂陰老魚
吹浪留我花間住田田多少幾回沙際歸路

姜堯章

壺中天

水晶宮殿放三千龍女凌波浮浴花裏彫房分洞戶隱
隱釘頭齊簇處子嬌羞碧雲無袖密護圓磋玉堤頭微
露半身猶掩金綠 知是紫府筵開隨纖指出玲瓏牕

屋倩剝霓裳輕手搔描損些些香玉端的中心密藏芳
意苦味何時足巴城憔悴採歌猶舞新曲

鄭松莊

沁園春

淺碧芙蓉素艷亭亭前身阿嬌記湘濱露冷酥容倍潔
華清水滑酒暈全消瑤剪豐肌雲翻碎萼白羽鮮明時
自搖風流處是古香幽韻時度鮮飈瓊枝壁月清標
對千朵婢娟傾翠瓢況水晶臺榭低迷淨綠冰霜詞調
隱約輕橈細認京房種奇孕秀已覺青衿橫素腰西風

晚饒有花開十丈玉井非遙

劉玉溪

全芳備祖前集卷十一